

FRANCUSKI KASACIONI SUD (Trgovački odsjek),

30. VII. 1951.

"Achcar" ca. "Rassi"

Kupoprodaja CIF - Klauzula "težina prilikom odlaska, svako smanjenje na isključivi teret kupca" - Griješka kupca - Manjkava ambalaža

Poduzeće Achcar prodalo je poduzeću Rassi određenu količinu morske soli CIF Abidjan. Za vrijeme prijevoza došlo je do štete na teretu zbog lošeg stanja vreća, u kojima se nalazila sol. U sporu, koji je nastao, Apelacioni sud Francuske zapadne Afrike presudio je, da je prodavalac preuzeo na sebe posljedice manjkavog pakovanja, usprkos klauzule "svako smanjenje, makar kako veliko bilo, pada na isključivi teret kupca".

Protiv te presude uložio je prodavalac žalbu na Kasacioni sud. . . .

Kasacioni sud stao je na stanovište napadnute presude i utvrdio je, da se iz pobijane presude vidi, da je do štete na morskoj soli došlo zbog lošeg stanja vreća, u kojima je bila sol. Tumačeći ispravno volju stranaka Apelacioni sud je uzeo, da sporna klauzula ostavlja na snazi odgovornost prodavaoca zbog nedovoljne pažnje, koju je pokazao u vršenju svoje dužnosti da se brine za ambalažu prodane robe.

Zbog toga je Kasacioni sud odbio žalbu.

(DMF 1951., str. 535)

S.B.